

Жаңа кейіпке енген мұражай есігін айқара ашты

Қаламыздағы «Дала өлкесі тарихы» мұражайы бұған дейін күрделі жөндеуден өткен болатын.

Алайда, реэкспозиция жасалмағандықтан, музей толыққанды жұмыс жасамай тұрған еді.

Құнды жәдігерлерге толы музейдің екінші және үшінші қабаттардағы 8 залына реэкспозиция жасалды. Яғни, жәдігерлер заманауи үлгіде жабдықталып қойылып, мән – мағынасы арта түскен.

Жаңарып, жаңғыртылған мұражайдың салтанатты шарасына тарихшы, өлкетанушы Мұхтар ҚОДЕНОВ, Арқалық қалалық мәслихатының төрайымы Гүлбану ЕЛТЕБАЕВА, қала әкімінің орынбасары Мешітбай ЖҰМАНОВ, Жанкелдин аудандық мұражайлар кешенінің директоры Гүлбану СӘРСЕКЕЙ, Арқалық қалалық ардагерлер кеңесінің төрағасы Түбекбай ӘУБӘКІРОВ, «Аналар кеңесінің» төрайымы Бақытжамал ҚАЛТАЕВА, Ы.Алтынсарин атындағы Арқалық педагогикалық институтының ректоры Ержан ӘМІРБЕКҰЛЫ, Арқалық өңірлік мемлекеттік мұрағатының басшысы Сағидолла БАЙГЕНЖИН тағы да басқа



мәртебелі меймандар қатысып, жаңа кейіпке енген мұражайды аралап көрді.

«Ел игілігі үшін атқарылып жатқан істерге ризашылығымызды білдіреміз. Біз жөндеу жұмыстары жүргізілген уақыттарда да жұмысымызды тоқтатқан жоқпыз. Музей қорының жәдігерлері ауыспалы көрме ретінде құрылып, әлеуметтік желілерде халыққа насихатталып, мамандарымыз өз жұмыстарын үздіксіз атқарып келді. Жөндеуден өткеннен кейін ғимаратымыз сәулеттен түсті. Музей қорындағы жәдігерлердің сақталуына қолайлы жағдай жасалды. Әлі де атқарылар жұмыстар бар», – дейді мұражай басшысының міндетін атқарушы Рауан ТЕ-

РЕК.

Сондай ақ, биылғы жылы музейдің бірінші қабатында орналасқан «Табиғат» залына реэкспозиция жұмыстарын жүргізу жоспарланып отыр.

Ақпарат үшін айта кетсек, Арқалық қаласындағы облыстық «Дала өлкесі тарихы» мұражайы 1972 – жылы 4 ақпанда Қазақ КСР Министрлер кеңесінің жарлығымен құрылған болатын.

Ұлт жанашыры, көрнекті мемлекет және қоғам қайраткері Өзбекәлі Жәнібековтің тікелей басшылығымен ашылған мұражай 1973 – жылдың 28 – шілдесінде халық батыры А.Имановтың 100 жылдығына орай алғашқы келушілерін қабылдады.